




4106



LETTRE

25 xhe
1625

DE MONSIEVR

DE BALZAC,

A

MONSEIGNEVR

LE CARDINAL

DE RICHELIEV.



A PARIS,

De l'Imprimerie de ROB. ESTIENNE,

Chez TOUSSAINT DV BRAY,
ruë S. Iacques, aux Espicsmeurs.

M. DC. XXVI.

AVEC PRIVILEGE DE ROY.

1802


Case 52

F 39

1326

1626

THE C. L. D. N. A.



THE C. L. D. N. A.
LIBRARY
OF THE
CITY OF NEW YORK
ASTOR LENOX TILDEN FOUNDATION
1887



ADVERTISSEMENT.

C'ESTOIT le des-
sein de Monsieur
de Balzac de reser-
ver cette Lettre, pour la join-
dre au corps de ses autres
Oeuures, qu'il espere de met-
tre bien-tost en lumiere. Mais
estant aduenu depuis peu qu'un
Libraire ignorant a bien osé
l'imprimer si pleine de fautes,
& contre le sens commun, &
le sens particulier de celuy
qui la escritte, que de sa
beauté naturelle il en a faict

A ij

un Monstre; L'on a trouué
à propos de vous la donner
icy en sa pureté, affin que par
la difference de l'une & de
l'autre vous voyés qu'il ne
sort rien d'un si excellent esprit,
qui ne soit conforme au me-
rite de ses Ouvrages, & que ce
n'est pas sans raison qu'ils sont
dans l'approbation generale.





A

MONSEIGNEVR

LE CARDINAL

DE RICHELIEV.



MONSEIGNEVR,

Si les chemins
eussent esté libres, & si le bon
ordre que vous auiez mis à
la seureté publique, n'eut eu
le mesme succez que les bon-
nes loix, qui sont d'ordinaire
mal obseruées, ie n'eusse eu
garde de prendre plus de

A iij .

temps que vous ne m'en don-
nastes quand ie partis de Fon-
tainebleau, ny d'estendre iuf-
ques à cete heure le terme de
mon congé. Mais encore que
vos commandemens soient
tout-puissans en mon en-
droit, vous sçaués bien que la
necessité veut estre la pre-
miere obeye, & vous ne treu-
uerés pas mauuais que i'aye
choisi vne prison à laquelle
i'estois accoustumé, pour en
euiten vne autre qui ne m'eût
pas esté si commode. Ce n'a
pas esté, MONSIEUR,
sans beaucoup de desplaisir
de ne pouuoir estre tesmoin
de la plus belle vie de ce sie-

cle, & de perdre vne demy-
année de vos actions, qui
font quasi toute nostre hi-
stoire. Car quoy que nous ne
soyons pas si esloignés du
monde, qu'il ne nous en vien-
ne des nouuelles, elles passent
neantmoins par tant de lieux,
qu'il est impossible qu'elles
n'en reçoient diuerses im-
pressions, & qu'elles arriuent
icy en leur pureté, puis qu'on
les altere dès le Louure mes-
me. I'ay sceu pourtant, & la
renommée a publié au desert
les grands combats qui ont
esté rendus pour l'honneur
& la reputation de la France,
& comme vous aués veincu

l'esprit des Estrangers, qui est plus redoutable que leurs forces. J'ay sceu que l'Italie a espuisé toutes ses finesse sans nuire à personne, & que ces subtils, qui croyoient regner dans les assemblées, & estre maistres des raisons d'Estat, n'ont pû se deffendre contre vous qu'avec la passion & la cholere, ny se plaindre d'autre chose, que de ce que vous leur persuadiés tout ce qu'ils estoient resolus de ne faire pas. De sorte, MONSEIGNEUR, que ceux qui nous appelloient Barbares, & qui par leurs traités auoient toujours eu reuanche de nos victoi-

victoires, ont trouué à la fin
 de la sagesse deçà les monts,
 & reconnu qu'il y auoit vn
 homme qui les empeschera
 de tromper les autres. Ils ont
 esté estonnés de voir vn ser-
 uiteur qui ne pouuoit souf-
 frir qu'il y eut vn plus grand
 maistre que le sien; qui sen-
 toit les moindres maux de sa
 patrie comme ses propres
 douleurs, & pensoit qu'on le
 blessât pour peu qu'on fit
 semblant de toucher à la di-
 gnité de cete Corone. Mais
 quand ils ont veu que vous
 donniés des remedes sur le
 champ à tous les inconue-
 niens qu'ils vous figuroient,

que vous preueniés les objections qu'ils vous vouloient faire, que vous alliés prendre leurs intentions iusques dans leur ame, & qu'à la premiere conference vous respondiés à ce qu'ils reseruoient pour la seconde; c'est lors veritablement que leur phlegme s'est tourné en bile, & que vous aués mis en desordre la prudence humaine, & les maximes politiques. Que s'il suffisoit de faire voir le bien pour le faire aymer, & si la raison auoit le mesme pouuoir sur la volonté qu'elle a sur l'entendement, tous les Italiens qui vous ont ouy parler s'en fus-

sent retournés bõs François,
 & le salut de la Chrestienté,
 & la liberté de ses Princes
 n'eussent esté que l'ouurage
 d'une iournée. La guerre
 estrangere auroit esté ache-
 uée en vostre chambre: Nous
 n'aurions plus qu'une affaire
 sur les bras, & les armes du
 Roy ne seroient à present oc-
 cupées qu'à chastier les rebel-
 les de son Royaume. Vous
 croyés bien, MONSEIGNEVR,
 qu'encore que ie ne pûsse at-
 tendre de plus petites nou-
 velles du lieu où vous seriés,
 i'ay receu celles-là avec de
 l'émotion & du transport, &
 qu'il n'est pas en ma puissance

de dissimuler ma ioye, quand
j'apprens que leurs Majestés
ne se lassent point de vos ser-
vices; qu'après avoir essayé
diuers conseils, il faut enfin
s'arrester aux vostres, & que
vous presidés aux affaires de
l'Europe, en conduisant la
fortune de la France. Il est
vray que de tous les conten-
temens qui me viennent de
dehors, il n'y en a point qui
me soit si sensible que celuy-
là. Mais de l'autre costé lors
qu'on me dit que vostre san-
té est tousiours attaquée, ou
menassée de quelque acci-
dent; que le repos que vous
deuroit donner la satisfa-

ction de vostre conscience,
 ne vous empesche pas d'auoir
 de mauuaisés nuits, & qu'au
 milieu de la gloire & des
 bons succès qui vous arri-
 uent, la vie vous est souuent
 ennuyeuse ; Alors certes on
 me touche en la plus tendre
 partie de mon ame, & cepen-
 dant que la Cour vous fait
 mille fausses protestations de
 seruice, il y a vn Hermite à
 cent lieuës de vous, qui pleu-
 re vos maux avec des larmes
 veritables. Je ne sçay si i'ose-
 ray vous dire que ie vous
 ayme ; Il n'y a point d'appa-
 rence pourtant que vous
 vous offensiez de ce mot

duquel vous sçaués que Dieu
se contente. Je vous ayme,
MONSEIGNEVR, de telle
sorte, qu'ou ie suis malade
de la nouuelle de vostre in-
disposition, ou si le bruit
court que vous vous portez
mieux, ie crains pour vous
tous les changemens que
peuent faire toutes les heu-
res. Faut-il donc que ce soit
dans les accès de fièvre, &
l'inquietude de vos veilles
que vous entendies les ac-
clamations de la voix pu-
blique, & les loüanges que
vous aués meritées? Faut-il
que les sens souffrent, & que
l'esprit se resiouisse? qu'ils

soient à la gésie parmy ses
trionphes ? que vous faciés
deux actions contraires à la
fois, & qu'en mesme temps
vous ayés besoin de mode-
ration, & de patience ? Si la
vertu pouuoit estre malheu-
reuse, & si cette Secte, qui
ne connoissoit point d'autre
mal que la douleur, ny d'au-
tre bien que la volupté, n'a-
uoit esté generalement con-
damnée, la Prouidence di-
uine receuroit aujourd'huy
des plaintes de tous les en-
droits de ce Royaume, & il
n'y auroit point d'homme
de bien qui pour l'amour de
vous ne trouuaist quelque

chose à desirer en la conduite du monde. Mais, MONSIEUR, vous sçavez que c'est de la felicité des bestes, dont il faut croire le corps, & non pas de la nostre, qui reside en la plus haute partie de nous mesmes, & se ressent aussi peu des desordres qui se font au dessous d'elle, que ceux qui sont au Ciel peuvent estre offensés des orages de l'Air, & des vapeurs de la Terre; Et cela estant, à Dieu ne plaise, que par l'estat de vostre santé ie veuille iuger de celuy de vostre condition, & que ie n'estime parfaitement
 heureux

heureux celuy que ie tiens
parfaitement sage. Imaginés-
vous que vous aués partagé
avec les autres hommes les
infirmités de la Nature hu-
maine, & vous trouuerés
que l'auantage est tout de
vostre costé, veu qu'en ef-
fet il ne vous est demeuré
qu'un peu de douleur, pour
vne infinité d'erreurs, de
passions, & de fautes que
vous nous aués laissées. En-
core veux-ie croire que le
terme de vostre patience
s'en va expiré, & que l'aue-
nir vous prepare des con-
tentemens tous purs, & vne
ieunesse apres sa saison, com-

me vous aués esté vieux deuant le temps. Le R o y qui a besoin de vostre longue vie, ne fait point de souhaits inutilement; Le Ciel n'exauce point les prieres des ennemis de cet Estat; Nous ne connoissons point de successeur qui puisse entreprendre ce que vous n'aurés pas acheué; Et s'il est vray que nos armées ne soient que les bras de vostre teste, & que vos conseils ayent esté choisis de Dieu pour restablir les affaires de ce siecle, nous ne deuons point apprehender vne perte qui ne doit arriuer qu'à nos neveux. Ce

sera de vostre temps, MON-
SEIGNEVR, que les peu-
ples opprimés viendront du
bout du monde rechercher
la protection de cete Coron-
ne : Que par nostre moyen
nos alliés se raquiteront de
leurs pertes : Et que les Espa-
gnols ne seront pas les con-
querans , mais que nous se-
rons les libérateurs de toute
la Terre. Ce sera de vostre
temps que le Sainct Siege
aura ses opinions libres, que
les inspirations du S. Esprit
ne seront plus combatuës
par l'artifice de nos enne-
mis, & qu'il s'esleuera des
couragez dignes de l'ancien-

ne Italie pour deffendre la
cause commune. Enfin,
MONSEIGNEUR, ce sera
par vostre prudence qu'il
n'y aura plus de rebellion
parmy nous, ny de Tyran-
nie parmy les hommes: Que
toutes les villes de ce Royau-
me seront villes de seureté
pour les gens de bien: Que
les nouveautés ne seront
plus receuës que pour les
couleurs, & la façon des ha-
billemens: Que le peuple
laissera entre les mains de
ses Superieurs, la Liberté, la
Religion, & le bien Public:
& que du Gouuernement
legitime, & de la parfaite


obeïſſance il naiſtra cete felicité que les Politiques cherchent, & qui eſt la fin de la vie ciuile. I'eſpere, MON-SEIGNEVR, que tout cela arriuera ſous voſtre ſage conduite, & qu'apres auoir aſſeuré noſtre repos, & procuré celui de nos voiſins, vous iouirés de vos bienfaits à voſtre aiſe, & verrés durer l'eſtat des choſes, duquel vous aurés eſté l'auteur. Pour moy, qui ne commence pas d'aujourd'huy à faire mes paſſions de vos intereſts, & qui ayreueré voſtre vertu en voſtre mauuaïſe fortune, le n'ay

plus rien qui m'empesche
d'aller prendre ma part de
cet aduenir glorieux , que
toutes les apparences vous
promettent, & de me ren-
dre où ie pourray vous tes-
moigner que ie suis,

MONSEIGNEVR,

Vostre tres-humble &
tres-obeissant seruiteur,
BALZAC.

Du 25. Decembre, 1625.



E X T R A I C T D U
Privilege du Roy.

PAR grace & Priuilege du Roy, il est permis à TOVS-
SAINCT DV BRAY, Marchand
Libraire Iuré à Paris, d'imprimer
ou faire imprimer, vendre & di-
stribuer vn Liure intitulé, *Lettres*
du Sieur de BALZAC, & deffen-
ces sont faiçtes à tous Libraires,
Imprimeurs, & autres de ce
Royaume, d'iceluy liure impri-
mer, contrefaire ny alterer, ven-
dre & distribuer, sans le congé &
permissiõ dudit duBray, pendât
le temps & espace de *dix ans* à cõ-
pter du iour & d'acte que ledit li-
ure sera acheué d'imprimer pour
la premiere fois, à peine de mille

liures d'amende enuers ledit du
Bray, confiscation des liures qui
se treuuerōt auoir esté imprimez
d'autre impression, que de celle
dudit suppliant, avec tous ses
despens, dommages, & interests,
ainsi que plus amplement est
contenu & déclaré esdites lettres
de Priuilege, Données à Com-
piegne le 3. iour de May, 1624.

Par le Roy en son Conseil,

Signé,

RENOUARD.



